

Suliassaqarfik Aningaasarsiornikkut iluarsiissuteqartarnej nakkutilliinerlu, Namminersornermut inatsit naapertorlugu liste II imm. 25, Kalaallit Nunaanni oqartussaaffigineqalernissaanut Naalagaaffeqatigiinni oqartussanut isumaqatigiinniarnert aallartinneqarnissaat siunertaralugu saaffiginninnissaanut Naalakkersuisut peqquneqarnissaat Inatsisartunut aalajangiiffissatut siunnersuut.
(Inatsisartunut ilaasortaq Pele Broberg, Naleraq)

Akissuteqaat

(Aningaasaqarnermut Naalakkersuisoq)

Aappassaaneerinnineq

Inatsisinut Ataatsimiititaliap sukumiisumik isumaliutissiissuteqarneranut qujanaq.

Naalakkersuisut, ataatsimiititaliap Naalakkersuisut allannguutissatut siunnersuutaat amerlanerussuteqarluni akuersissutigisassanngorlugu innersuussutigaat, iluarisimaarlutik maluginiarpaat.

Naalakkersuisut maluginiarpaat aamma, ataatsimiititaliaq nunatsinni aningaasalersuisarfiit pilersinnissaanut tunngaviit pillugit attuumassutilimmik isumaliutiginnineqartoq. Isumaliutiginninnerit taakku Inatsisartut siorna nassuiaatip akuersissutigisaata suliami ingerlaqqinneranut aamma attuumassuteqarput.

Naalakkersuisut taama naatsumik oqaaseqarlutik aalajangiiffigisassatut siunnersuutip aappassaaneerneqarnissaa suliallu ingerlaqqinnissaa qilanaaraat.